

玉函山房輯佚書

玉函山房輯佚書目

卷七

經編易類

周易要略一卷 齊沈麟士

周易劉氏義疏一卷 齊劉琳

周易大義一卷 梁武帝

周易伏氏集解一卷 梁伏曼容

周易諸氏講疏一卷 梁褚仲都

周易周氏義疏一卷 陳周宏正

周易張氏講疏一卷 陳張嶷

周易何氏講疏一卷 隋何妥

周易姚氏注一卷 姚規

周氏崔氏注一卷 崔觀

周易傅氏注一卷

周易盧氏注一卷

周易王氏注一卷 王凱冲

周易王氏義一卷 王嗣宗

周易朱氏義一卷 朱仰之

莊氏易義一卷

周易沈氏要略一卷南齊沈麟士撰麟士字雲頑吳興武康人徵朝奉請太學博士著作郎太子舍人並不就事蹟見南齊書本傳其易說卷數不詳史稱其著周易兩繫莊子內篇訓注易經禮記春秋尙書論語孝經喪服老子要略數十卷据此當有二注蓋周易兩繫爲一書易經要略爲一書隋唐志皆不著錄散佚已久唯李鼎祚集解引其說潛龍一節義精辭粹

欽定周易折中採取其說亟爲表章並附本傳爲一

卷其論語要略皇侃義疏尙存佚說數則別爲序次
入論語家焉歷城馬國翰竹吾甫

周易沈氏要略

南齊 沈麟士 撰

周易上經

乾

初九潛龍勿用

稱龍者假象也天地之氣有升降君子之道有行藏龍之爲物能飛能潛故借龍比君子之德也初九既尙潛伏故言勿用

李鼎祚集解

周易沈氏要略

明倫館補校
七卷三

附錄本傳

沈麟士字雲禎吳興武康人也祖膺期晉太中大夫
麟士少好學家貧織簾誦書口手不息宋元嘉末文
帝令尙書僕射何尙之抄撰五經訪舉學士縣以麟
士應選尙之謂子偃曰山藪故有奇士也少時麟士
稱疾歸鄉更不與人物通養孤兄子義若鄉曲或勸
麟士仕答曰魚縣獸檻天下一契聖人元悟所以每
履吉先吾誠未能景行坐忘何爲不希企日損乃作
元散賦以絕世太守孔山士辟不應宗人徐州刺史

墨慶侍中懷文左率勃來候之隣士未嘗答也隱居
餘干吳差山講經教授從學者數十百人各營屋宇
依止其側隣士重陸棧連珠每爲諸生講之征北張
永爲吳興請隣士入郡隣士聞郡後堂有好山水乃
往停數月永欲請爲功曹使人致意隣士曰明府德
履冲素留心山谷民是以被褐負杖忘其疲病必欲
飾渾沌以蛾眉冠越客於文冕走雖不敏請附高節
有蹈東海而死爾永乃止昇明末太守王奐上表薦
之詔徵爲奉朝請不就永明六年吏部郎沈淵中書

郎沈約又表薦驛士義行曰吳興沈驛士英風夙挺
峻節早樹貞粹稟於天然綜博生乎篤習家世孤貧
藜藿不給懷書而耕白首無倦挾琴採薪行歌不輟
長兄早卒孤姪數四攝廼鞠稚吞苦推甘年踰七十
業行無改元嘉以來聘召仍疊王質踰潔霜操日嚴
若使聞政王庭服道槐掖必能孚朝規於邊鄙播聖
澤於荒垂詔又徵爲太學博士建武二年徵著作郎
永元二年徵太子舍人並不就驛士負薪汲水并日
而食守操終老篤學不倦遭火燒書數千卷驛士年

過八十耳目猶聰明以火故抄寫燈下細書復成二
三千卷滿數十篋時人以爲養身靜嘿之所致也著
周易兩繫莊子內篇訓注易經禮記春秋尚書論語
孝經喪服老子要略數十卷以楊王孫皇甫謐深達
生死而終禮矯俗乃自作終制年八十六卒

周易劉氏義疏一卷南齊劉瓛撰瓛字子珪沛國人
徵步兵校尉不拜謚貞簡先生事蹟見南齊書本傳
七錄言作繫辭義疏不詳卷數隋書經籍志有周易
乾坤義一卷梁有周易四德例一卷亡又別有周易
繫辭義疏二卷唐書藝文志卷並同惟乾坤義亦稱
義疏今其書皆不傳陸德明釋文唐釋元應一切經
音義李善文選注引數節皆繫辭疏孔氏正義及李
鼎祚集解亦引其說乾坤二卦則乾坤義之佚文也
合輯一卷卽從唐志總以義疏題之至四德之例泯

不可見存其目焉可也歷城馬國翰竹吾甫

周易劉氏義疏

南齊 劉瓛 撰

周易乾坤義

易者謂生生之德有簡易之義不易者言天地定
位不可相易變易者謂生生之道變而相續皆以
神稱不煩不擾澹泊不失此明是易簡之義無窮
之道

孔頴達正義序
引崔頌劉貞簡

用九見羣龍无首吉

總六爻純九之義故曰用九

李鼎祚集解

彖曰

彖者斷也斷一卦之才也

集解

首出庶物萬國咸寧

陽氣爲萬物之所始故曰首出庶物立君而天下

皆寧故曰萬國咸寧也

集解

文言曰

依文而言其理故曰文言

集解

萬物資生乃順承天

萬物資生於地故地承天而生也

集解

升其高陵

三居下體之下故謂之陵黃真卿會通

周易繫辭上傳

鼓之以雷霆

霆電也震為雷離為電唐釋元應大智度論卷三十音義

憂悔吝者存乎介

介微也釋元應五分律卷一音義

生生之謂易

自無出有曰生生得性之始也文選卷三十陶淵明雜詩注又卷六

至矣哉

至極也

文選卷三十九鄒陽上書吳王注

治容誨淫

治妖治也謂恣態倣雅自得莊飾鮮明之貌也元

應中本起經卷下音義又維序詰所說經卷下音義引云謂恣態之貌也恣態二字據補又大愛道

此即尼經卷下音義引首句

聖人以此洗心洗悉參反陸德明釋文引劉勰

洗盡也文雅

知以臧往

劉向
面書

臧善也

釋文臧往如字劉作臧善也案釋文凡言劉者皆劉表其到晒劉琳必標名以別之

而光山劉向周易面書引作劉琳或別有據今依錄之

成天下之亶亶者

亶亶猶微微也

釋元應大智度論卷十六音義

周易繫辭下

分十二章

正義

周易大義一卷梁武帝撰帝姓蕭諱衍字叔達南蘭陵中都里人受齊禪卽皇帝位事蹟見南史帝紀及梁書本紀帝撰著經義凡二百餘卷隋書經籍志有周易大義二十一卷周易講疏三十五卷並題梁武帝撰唐書藝文志有大義二十卷又有大義疑問二十卷今並亡佚陸德明釋文引梁武帝凡四節不言何書案講疏唐志不著錄陸氏所引蓋大義逸文也茲据標題並採武帝集引易附之以攷異同夫梁武篤信佛法學未能醇然大同中於臺西立士林館命

儒臣朱昇賀琛孔子祛等選和講述四方郡國趨學
向風其時聚書最盛阮孝緒七錄第一內篇經目統
計四千七百一十卷而易部五百九十卷蓋亦取多
而用宏矣歷城馬國翰竹吾甫

周易大義

梁武帝撰

周易上經

乾

文言曰

文言是文王所制

陸德明釋文引梁武帝

否

其亡繫于苞桑

梁武帝答皇太子請御講勅引易與今本作包異据補

隨

隨時之義大矣哉梁武帝出古有王塔下佛舍利認引易與王肅本作隨之時義不同

補

大畜

何天之衢

何音賀釋文引梁武帝

離

離王公也

離力智反釋文引梁武音王肅宗

周易下經

通

王假有廟

假音賈

釋文引梁武帝

既濟

寔受其福

梁武帝代牲詔西郊禴祭寔受其福與今本作實異據補

周易大義



三朝嬪嬙補校

七卷十一

周易伏氏集解一卷梁伏曼容撰曼容字公儀平昌
安邱人官至臨海太守事蹟見南史及梁書儒林傳
其撰述周易毛詩喪服史並稱集解老子論語並稱
義隋書經籍志梁有臨海令伏曼容注周易八卷亡
太守云今集解云注皆與舊史不合當依本傳唐書
藝文志五行家有伏曼容周易集林十二卷伏氏周
易集林一卷與集解各一書今悉不傳陸德明釋文
李鼎祚集解各引一則此外別無徵述史稱其僞僞
好大言嘗云何晏疑易中九事以吾觀之晏了不學

也今觀其說蠱卦一節引尙書大傳今本無之知當
日引喻鴻通不同叩寂其它論說當更有精義微言
出人意表者惜無從考證之矣茲取佚說並附梁書
本傳爲一卷暇日流覽猶想見清暑殿上執經風采
云歷城馬國翰竹吾甫

周易伏氏集解

梁 伏曼容 撰

周易上經

蠱

蠱元亨

蠱惑也萬事從惑而起故以蠱爲事也案尙書大傳云乃命五史以書五帝之蠱事然爲訓者正以太古之事无爲无事也今言蠱者是卦之惑亂也時旣漸沈物情惑亂故事業因之以起惑矣故左

傳云女惑男風落山謂之蠱是其義也

李鼎祚集解

周易下經

蠱

川拯馬壯吉

拯濟也

陸德明釋文

附錄本傳

伏曼容字公儀平昌安邱人曾祖沿晉著作郎父肩
之宋司空主簿曼容早孤與母兄客居南海少篤學
善老易侗儻好大言常云何晏疑易中九事以吾觀
之晏了不學也故知平叔有所短聚徒教授以自業
爲驃騎行參軍宋明帝好周易集朝臣於清暑殿講
詔曼容執經曼容素美風采帝恒以方精叔夜使吳
人陸探微畫叔夜像以賜之遷司徒參軍袁粲爲丹
陽尹請爲江寧令入拜尙書外兵郎昇明末爲輔國

長史南海太守齊初爲通直散騎侍郎承明初爲太
子宰更令侍皇太子講衛將軍王儉深相交好令與
河內司馬憲吳郡陸澄共撰喪服義旣成又欲與之
定禮樂會儉薨遷中書侍郎大司馬諮議參軍出爲
武昌太守建武中入拜中散大夫時明帝不重儒術
曼容宅在瓦官寺東施高坐於聽事有賓客輒升高
坐爲講說生徒常數十百人梁臺建以曼容舊儒召
拜司馬出爲臨海太守天監元年卒官時年八十二
爲周易毛詩喪服集解老莊論語義子暉在良吏傳

周易褚氏講疏一卷梁褚仲都撰梁書孝行傳褚脩
吳郡錢唐人也父仲都善周易爲當時最天監中歷
官五經博士南史全緩傳勿受易於博士褚仲都陸
德明釋文序錄云近代梁褚仲都周宏正並爲易義
此其知名者隋書經籍志唐書藝文志俱載其講疏
十六卷其書佚矣孔穎達正義序稱江南義疏有十
餘家辭尙虛誕皆所不取而採錄弗遺褚氏故散亡
之餘而見正義者猶得十五節釋文亦間稱引茲並
輯錄其說恒象云雷資風而益遠風假雷而增威頗

與子夏傳地得水而柔水得地而流辭義相近抗志
遠晞蓋亦鐵中之錚錚者已歷城馬國翰竹吾甫

周易褚氏註疏

梁 褚仲都 撰

周易上經

乾

九二見龍在田利見大人

九二利見九五之大人

孔穎達
正義

彖曰

彖斷也斷定一卦之義所以名為彖也

知至至之

一體之極是至者是下卦已極將至上卦之下至
謂至上卦也

坤

初六履霜堅冰至

履霜者從初六至六三堅冰者從六四至上六陰
陽之氣无爲故積馴履霜必至於堅冰以明人事
有爲不可不制其節度故於履霜而遂以堅冰爲
戒所以防漸慮微慎終于始也

屯

雷雨之動滿盈

釋亨也萬物盈滿則亨通也皆剛柔始交之所爲者雷雨之動亦陰陽始交也萬物盈滿亦陰陽而致之故云皆剛柔始交之所爲也

蒙

象曰童蒙之吉順以巽也

順者心不違也巽者外迹相卑下也

比

九五顯比王用三驅失前禽邑人不誡吉象曰顯比



之吉位正中也含逆取順失前禽也邑人不誡上使中也

王用三畝三面著人驅禽必知三面者禽唯有背已向已趣已故左右及於後皆有驅之愛於來而惡於去來則舍之是愛於來也去則射之是惡於去也故其所施常失前禽者言獨比所應則所比爲失如三驅所施愛來憎去則失在前禽也

大有

其德剛健而文明應乎天而時行是以元亨

六五應乾九二亦與五爲體故云應乎天也德應
於天則行不失時與時无違雖萬物皆得亨通故
曰是以元亨

蠱

蠱元亨而天下治也利涉大川往有事也

蠱者惑也物既惑亂終致損壞當須有事也有爲
治理也故序卦云蠱者事也謂物蠱必有事非謂
訓蠱爲事

臨

至于八月

自建寅至建酉之月

復

七日來復

五月一陰生至十一月一陽生凡七月而云七日不云月者欲見陽長須速故變月言日

人畜

六五積豕之牙吉

積除也除其牙也

並正義

周易下經

恒

恒亨无咎利貞利有攸往

王氏注三事謂无咎利貞利有攸往

雷風相與

雷資風而益遠風假雷而增威

正義

遊

不往何災

何河可反

文釋

周易諸氏講疏

卷四

四如蠱館補校

小過

謂小人之行小有過差君子爲過厚之行以矯之
也如髮子狐裘之比也

正義

周易周氏義疏一卷陳周宏正撰宏正字思行汝南安成人官至尚書右僕射領國子祭酒豫州大中正謚簡子事蹟見陳書本傳其易說本傳云講疏十六卷隋書經籍志作義疏卷數同陸德明釋文慶錄云近代梁褚仲都陳周宏正並爲易義此其知名者陸氏稱義與隋志合想原書本題作義疏也德明唐人及見其疏而唐書藝文志不著錄未知何故今則佚矣釋文引止四節孔穎達正義並引周氏不標其名以序稱簡子斷之知爲宏正說茲併合輯一卷大抵

衍輔嗣之旨亦或用鄭說而於序卦分六門以主攝
之頗見新意夫易冒天下之道無所不包學者玩索
而有得焉斯名理日出而不窮也已歷城馬國翰竹
吾甫

周易周氏義疏

陳周宏正撰

周易上經

易者易也不易也變易也易者易代之名凡有元
相代彼此相易皆是易義不易者常體之名有常
有體无常无體是不易之義變易者相變改之名
兩有相變此爲變易

孔穎達正義
序引周簡子

乾

君子以成德爲行日可見之行也潛之爲言也隱而

未見行而未成是以君子弗用也

上第六節乾元者始而亨者也是廣明乾與四德

之義此君子以成德為行亦易第六節明六爻之

義正義德出於亡在身內之物故云成行被於人在

外之事故云行同上

屯

雷雨之動滿盈

此一句覆釋亨也正義萬物盈滿則亨通也同上引

氏

蠱

先甲三日後甲三日

一甲者造作新令之日甲前三日取改過自新故用

辛也甲後三日取丁寧之義故用丁也

正義引褚氏何氏周

等氏

有于考

陸德明釋文周依馬王肅以考絕句

周易下經

咸

取女吉

天地各卦夫婦共卦者

九字据正義補

天地之道略於

人事猶如三才天地為二人止為一也

正義引周氏

恒

恒亨无咎利貞

注云恒而亨以濟三事也三事者一亨也二无咎

也三利貞也

正義

晉

君子以自照明德

正義昭周氏等為照

自照亡身老子曰白知者明用明以自照

正義

井

改邑不改井

井以不變更爲義

釋文

小過

過非過

正義

周易繫辭上

天尊地卑

爲第一章

正義

聖人設卦觀象

周易同人卦彖傳

三國志書

周易月日書

為第二章正義

象者言乎象者也

為第三章正義

震无咎者存乎悔

震威也釋文

精氣為物

為第四章正義

顯諸仁藏諸用

為第五章正義

聖人有以見天下之賾

爲第六章正義

初六藉用白茅

爲第七章正義

大衍之數

爲第八章正義

子曰知變化之道

爲第九章正義

天一地二

爲第十章

正義正

是故易有太極

爲第十一章

正義正

子曰書不盡言

爲第十二章

正義正

周易繫辭下

第一起八卦成列至非曰義第二起古者包犧至

蓋取諸夫第三起易者象也至德之盛第四起因

于石至勿恒凶第五起乾坤其易之門至失得之

報第六起易之興至巽以行權第七起易之爲書
至思過半矣第八起二與四至謂易之道第九起
夫乾天下至其辭屈正義曰周氏莊氏並爲
九章今從九章爲屈也
知者觀其彖辭

彖辭爻辭也

釋文引鄭
云周同

是故其辭危

謂當紂時不敢指斥紂惡故其辭微危而不正也

正義

周易序卦

就序卦以六門主攝

第一天道門

如乾之次坤泰之次否等是天道運數門也

第二人事門

如訟必有師師必有比等是人事門也

第三相因門

如因小畜生履因履故通等是和因門也

第四相反門

如遯極反壯動竟歸止等是相反門也

第五相須門

如大有須謙蒙稚待養等是相須門也

第六相病門

如賁盡致剝進極致傷等是相病門也

並正義

附錄本傳

周宏正字思行汝南安城人也晉光祿大夫顗之九世孫也祖暕齊中書侍郎領著作父寶始梁司徒祭
領宏正幼孤及弟宏讓宏直俱爲叔父侍中護軍捨
所養年十歲通老子周易捨每與談論輒異之曰觀
汝神情穎晤清理警發後世知名當出吾右河東裴
子野深相賞納請以女妻之十五召補國子生仍於
國學講周易諸生傳習其義以季春入學孟冬應舉
學司以其日淺弗之許焉博士劉洽議曰周郎年未

勅冠便自講一經雖曰諸生實堪師表無俟策試起家梁太學博士晉安王爲丹陽尹引爲主簿出爲鄆令丁母憂去職服闋歷曲阿安吉令普通中初置司文義郎直壽光省以宏正爲司義侍郎大通二年梁昭明太子薨其嗣華容公不得立乃以晉安王爲皇太子宏正乃奏記

見本集

其抗直守正皆此類也累遷

國子博士時於城西北士林館宏正居以講授聽者

傾朝野焉宏正啓梁武帝周易疑義五十餘又請釋

乾坤二繫

見本集

宏正博物知元象善占候大同末嘗

謂弟宏讓曰國家厄運數年當有兵起吾與汝不知
何所逃之及梁武帝納侯景宏正謂宏讓曰亂階此
矣京城陷宏直爲衡陽內史元帝在江陵遣宏直書
曰適有都信賢兄博士平安但京師搢紳無不附逆
王克亡爲家臣陸緬身充卒伍唯有周生確乎不拔
言及西軍游援搥淚恒思五至如望歲焉松柏後凋
一人而已王僧辯之討侯景也宏正與宏讓自拔迎
軍僧辯得之甚喜卽日啓元帝元帝手書與宏正曰
熊羆遊亂寒暑亟離海內相識零落略盡韓非之智

不免秦獄劉歆之學猶嘆亡新音塵不嗣每以耿灼
常欲訪山東而尋子雲問關西而求伯起遇有今信
力附相聞遲此來卽慰其延佇乃遣使迎之謂朝士
曰晉士乎吳喜獲二陸今我破賊亦得兩周古今一
時足爲速頌及宏正至禮數甚優朝臣無與比者授
黃門侍郎直侍中省俄遷左民尚書尋加散騎常侍
元帝嘗著金樓子曰余於諸僧重招提琰法師隱士
重華陽陶貞白士大夫重汝南周宏正其於義理清
博無窮亦一時之名士也及侯景平僧辯啓送秘書

圖籍勅宏正讎校時朝議遷都朝士家在荊州者皆
不欲遷唯宏正與僕射王褒言於元帝曰若東脩以
上諸士大夫徵見古今者知帝王所都本無定處無
所與疑至於黔首萬姓若未見輿駕入建鄴謂是列
國諸王未名天子今宜赴百姓之心從四海之望時
荆陝人士咸云王周皆是東人志願東下恐非良計
宏正面折之曰若東人勸東謂爲非計君等西人欲
西豈成良策元帝乃大笑之竟不遷都及江陵陷宏
正遁匿而出歸於京師敬帝以爲大司馬王僧辯長

史行揚州事太平元年授侍中領國子祭酒遷太常卿都官尙書高祖受禪授太子詹事天嘉元年遷侍中國子祭酒往長安迎高宗三年自周還詔授金紫光祿大夫加金章紫綬領慈訓大僕廢帝嗣位領都官尙書總知五禮事仍授太傅長史加明威將軍高宗卽位遷特進重領國子祭酒豫州大中正加扶太建五年授尙書右僕射祭酒中正如故尋勅侍東宮講論語孝經太子以宏正朝廷舊臣德望素重於是降倚屈禮橫經請益有師資之敬焉宏正特善元言

兼明釋典雖碩學名僧莫不請質疑滯六年卒于官
時年七十九詔曰追遠褒德如有恒規故尙書右僕
射領國子祭酒豫州大中正安正識宇凝深藝業通
備辭休養府國老民宗道映庠門望高禮闕卒然殂
殯朕用惻然可贈侍中中書監喪事所須量加資給
便出臨哭諡曰簡子所著周易講疏十六卷論語疏
十一卷莊子疏八卷老子疏五卷孝經疏兩卷集二
十卷行于世子墳官至吏部郎宏正二弟宏讓宏直

周易張氏講疏一卷陳張謏撰謏字直言清河武城人官至國子博士東宮學士事蹟見南史本傳隋書經籍志有周易講疏三十卷陳諮議參軍張謏撰唐書藝文志亦有張謏講疏三十卷今不傳孔穎達正義引張氏每與何氏褚氏並稱考唐志載張謏講疏下卽次何謏講疏十三卷褚仲都講疏十六卷皆近代爲要疏者故並引之觀其於說易者換代之名待釋之義引何氏張氏謂本周簡于變易之旨又獨詳於乾卦簡于卽周宏正史稱謏受學於汝南周宏正

梁武帝嘗於文德殿釋乾坤文言議與陳郡袁憲等
與焉敕令論議諸儒莫敢先出議乃整容而進諮審
循環辭令溫雅帝異之賜裙襦絹云表卿稽古之力
以此而証尤爲明確茲採正義所引張氏數節卽依
隋唐志題識以章其名又陸德明釋文每稱師讀師
說朱太史彝尊經義考謂當卽九師今考釋文於易
稱師似可傳會九師而於他經亦引師說當作何解
其悞顯然臧氏鋪謂陸氏之師也然亦未嘗明言何
人考本傳云譏性恬靜不求榮利常慕閑逸所居宅

營山池花果講周易老莊而教授焉吳郡陸元朗朱
孟博一乘寺沙門法才法雲寺沙門慧休至真觀道
士姚綬皆傳其業元朗德明本名以字行然則陸氏
之師卽談也茲並取釋文所引合輯一卷別有尙書
義十五卷毛詩義二十卷孝經義八卷論語義二十
卷後主嘗敕就其家寫入秘閣今併無存附志於此
以待博淹之士蒐補焉歷城馬國翰竹吾甫

周易張氏講疏

陳張謏撰

周易上經

易者換代之名待奪之義

正義序引何氏張氏謂本周簡子之說

乾

初九潛龍勿用

以道未可行故稱勿用以誠之於此小人道盛之時若其施用則爲小人所害寡不敵衆弱不敵強禍害所及故誠勿用若漢高祖生於暴秦之世唯

隱居爲酒上亨長是勿用也

正義引張氏

陽數有七有九陰數有八有六但七爲少陽八爲少陰質而不變爲爻之本體九爲老陽六爲老陰文而從變故爲爻之別占且七既爲陽爻其畫已長今有九之老陽不可復畫爲陽所以重體避少陽七數故稱九也八爲陰數而畫陰爻今六爲老陰不可復畫陰爻故爻其體避八而再六

正義引張氏

九二見龍在田利見大人

九二利見九五之大人

正義引張氏同鄭康成之說

潛龍勿用下也

王注云識物之動謂龍之動也則其所以然之理
皆可知者謂識龍之所以潛所以見然此之理皆
可知也龍之爲德不可妄者言龍靈於他獸不妄
舉動可潛則潛可見則見是不虛妄也見而在田
必以時之通舍者經唯云時舍也注云必以時之
通舍者輔嗣以通解舍舍是通義也初九潛藏不
見九二既見在田是時之通舍之義也以爻爲人
以位爲時者爻居其位猶若人遇其時故文王明

夷則主可知矣主則時也謂當時無道故明傷也
仲尼旅人則國可知矣國亦時也若見仲尼羈旅
于人則知國君无道令其羈旅出外引文王仲尼
者龍藏龍見之義正義引張氏

需

有孚光

陸德明釋文引帥讀施句

蠱

君子以振民育德

振音真釋文引師讀

振振仁厚也

釋文同上

周易下經

遯

莫之勝脫

說如字 釋文引王肅云師同

損

二簋應有時

應如字 釋文引師讀

姤

以杞包瓜

杞苟杞

正義引張氏

萃

君子以除戎器

除猶脩治

釋文引王肅姚陸云師同

升

君子以慎德

釋文以順德本又作慎師同

井

井以清絜爲義

釋文引師說

周易繫辭傳

故君子之道鮮矣

鮮盡也

釋文引師說

慎斯術也以往

釋文慎斯術也一作慎師義

帥武而不殺者夫

殺所戒反

釋文引

易之爲書也不可遠

遠如字

釋

則居可知矣

居如字如字處也

釋文馬

知者觀其彖辭

彖辭通謂爻卦之辭也

釋文引

周易說卦傳

參天兩地而倚數

以三中含兩有一以包兩之義明天有包地之德

陽有包陰之道故天舉其多地言其少也

正義引張氏

周易何氏講疏一卷隋何妥撰北史本傳云妥字棲鳳西城人入周仕爲太學博士封襄城縣男文帝受禪除國子博士加通直散騎常侍進爵爲公出爲龍州刺史以疾請還尋爲國子祭酒諡曰肅撰周易講疏十三卷孝經疏二卷並行於世唐書藝文志有何妥周易講疏十三卷與本傳同隋書經籍志有周易私記三十卷不著撰人姓名下次周易講疏十三卷注云國子祭酒何妥撰考魏何妥官至吏部尙書隋志集部題魏尙書何妥集十一卷並題國子祭酒乃

隋何妥之官號且書名卷數並與妥傳不殊而次序
又在陳周宏正之下不著代者以妥爲隋人也志偶
誤妥爲妥而冊府元龜遂云何妥撰周易私記二十
卷周易講疏十三卷朱太史彝尊信之載入經義考
展轉承訛失而愈遠矣宋國史志尙有何氏講疏十
三卷今其書佚正義及李鼎祚集解引之尙數十節
李明標何妥正義稱何氏其說每與張氏周氏褚氏
莊氏並引莊氏不詳何人周爲周宏正張爲張謏褚
爲褚仲都何卽何妥皆唐近代爲講疏者正義亦脫

也故僅題某氏又主應麟玉海稱何襄城爲六象論
云云襄城安在周時所封男爵也朱氏經義考於何
安講疏外別出正義之何氏又出何氏六象論云失
名一人凡三見皆失深考茲并採輯合爲一帙依唐
志題講疏至私記一書散亡無考姑闕之以俟知者
歷城馬國翰竹吾甫

周易何氏講疏

隋 何妥 撰

周易上經

易者換代之名待奪之義

正義引張氏何氏

乾

天行健

天體不健能行之德健也猶如地體不順承弱之勢順也所以乾卦獨變名爲健者宋衷曰晝夜不懈以健詳其名餘卦當名不似於詳矣

李鼎祚集解

周易何氏講疏



一 鄭玄傳補校

君子體仁足以長人

此明聖人則天合五常也仁爲木木主春故配元
爲四德之首君子體仁故有長人之義也

嘉會足以合禮

禮是交結會通之道故以配通五禮有吉凶賓軍
嘉故以嘉合於禮也

利物足以和義

利者裁成也君子體此利以利物足以合於五常
之義

貞固足以幹事

貞信也君子堅貞正可以委任於事故論語曰敬事而信故幹事而配信也

初九曰潛龍勿用何謂也

夫子假設疑問也後五爻皆放此也

子曰龍德而隱者也

此直答言聖人有隱顯之龍德今居初九窮下之

地隱而不見故云勿用矣

並集解

上下无常非爲邪也進退无恒非離羣也

所以進退无恒者時使之然非苟欲離羣也言上

下者據信也進退者據交也

正義

高而无民

既不處九五帝王之位故无民也夫率土之濱莫

非王臣既非王位民不隸屬也

集解

潛龍勿用下也

此第二章以人事明之當舜耕漁之日卑賤處下

未爲時用故云下

見龍在田時舍也

此夫子涖泗之日開張業藝教授門徒自非通舍孰能如此

終日乾乾行事也

此當文王爲西伯之時處人臣之極必須事上接下故言行事也

或躍在淵自試也

欲進其道猶復疑惑此當武王觀兵之日欲以試觀物情也

飛龍在天上治也

此當堯舜冕旒之日以聖德而居高位在上而治民也

潛龍勿用陽氣潛藏

此第三章以天道明之當十一月陽氣雖動猶在地中故曰潛龍也

見龍在田天下文明

原缺以上下文義案之當云此當正月

終日乾乾與時偕行

此當三月陽氣浸長萬物將盛與天之運俱行不

息也

或躍在淵乾道乃革

此當五月微陰初起陽將改變故云乃革也
飛龍在天乃位乎天德

此當七月萬物盛長天功大成故云天德也

亢龍有悔與時偕極

此當九月陽氣大衰向將極盡故云偕極也

乾元用九乃見天則

陽消天氣之常天象法則自然可見

上不在天下不在田

上不及五故云上不在天也下已過二故云不在田處此之時實爲危厄也

故乾乾因其時而惕雖危无咎矣

處危懼之地而能乾乾懷厲至夕猶惕乃得无咎

矣並集解

坤

先迷失道後順得常

陰道惡先故先致迷失後順於主則保其常慶也

文言曰

坤文言唯一章者以一心奉順於主也

並集解

需

利涉大川

大川者大難也需之待時本欲涉難既能以信而

待故可以利涉大川矣

集解

象曰需須也險在前也

此明得名由于坎也坎爲險也有險在前不可妄

涉故須待時然後動也

周易何氏講疏

五 姤 姤 館 補 校

泰

則是天地交而萬物通也

此明天道泰也夫泰之爲道不以通生萬物若天氣上騰地氣下降各自閉塞不能相交則萬物無由得生明萬物生由天地交也

上下交而其志同也

此明人事泰也上之與下猶君之與臣君臣相交感乃可以濟養民也天地以氣通君臣以志同也內陽而外陰內健而外順

此明天道也陰陽之名就爻爲語健順之稱指卦
爲言順而陰居外故曰小往健而陽在內故曰大
來

否

則是天下不交而萬物不通也

此明天道否也

上下不交而天下無无邦也

此明人事否也泰中言志同否中云无邦者言人

志不同必致離散而亂邦國

並集解

同人

文明以健中正而應君子正也

離爲文明乾爲剛健健非尙武乃以文明應不以
邪乃以中正故曰利君子貞也

蠱

象曰山下有風蠱

山者高而靜風者宣而疾有似君處上而安靜臣
在下而行令也

剝

六五貫魚以宮人寵无不利

夫剝之爲卦下比五陰駢頭相次似貫魚也魚爲陰物以喻衆陰也夫宮人者后夫人嬪妾各有次序不相瀆亂則貴賤有章寵御有序六五旣爲衆陰之主能有貫魚之序故得无不利矣

復

亨

復者歸本之名羣陰剝陽至于幾盡一陽來下故稱反復陽氣復反而得交通故云復亨也

上六迷復凶有災眚用行師終有大敗以其國君凶
至于十年不克征

理國之道須進善納諫迷而不復安可牧民以此
行師必敗績矣敗乃思復失道已遠雖復十年乃
征无所克矣

无妄

乾上震下天威下行皆齊潔不敢虛妄也

並集解

蠱

先甲三日後甲三日

甲者造作新令之日甲前三日取改過自新故用

辛也甲後三日取丁寧之義故用丁也

正義云諸氏何氏周

氏並同鄭義

臨

至于八月

從建子陽生至建未爲八月

正義引何氏

大畜

上九何天之衢亨

天衢既通道乃大亨

正義引何氏

周易何氏講疏

八 婦媛館補校

周易下經

晉

初六晉如摧如貞吉罔孚裕无咎

推退也裕寬也如辭也初六處順之初應明之始
明順之德於斯將隆進則之明退則居順進之與
退不失其正故曰進如摧如貞吉也罔孚者處卦
之始功業未著未爲人所信服故曰罔孚裕无咎
者裕寬也方踐卦始未至履位不可自以爲足也
若以此爲足是自喪其長也故必宜寬裕其德使

功業宏廣然後无咎故曰裕如咎也

正義引何氏

周易繫辭上

上篇明无故曰易有太極太極卽无也又云聖人以此洗心退藏于密是其无也下篇明幾从无入

有故云知幾其神乎

正義引何氏

易有四象所以示也

四象謂天生神物聖人則之一也天地變化聖人效之二也天垂象見吉凶聖人象之三也河出圖

洛出書聖人則之四也

正義引何氏